

Den Haag, 24 di novèmber 2022.

Tópiko: Seguro pa studiantenan di BES.

Estimado estudiante di Boneiru, Sint Eustatius òf Saba,

Bon notisia!

Di kon bo ta haña e karta aki?

E karta aki ta e karta di kontinuashon riba e boletin di 1 di novèmber 2022 ku bo a haña via di bo e-mail di NNAM.

Di kon bon notisia?

ZJCN a disidí di ofrese tur estudiante di BES, ku aktualmente ta sigurá via NNAM òf ku ta bai kuminsá nan estudionan den 2023 for di un di e islanan BES na Hulanda, un seguro riba gastunan di ZJCN.

Inisialmente, tur hende lo wòrdu sigurá entrante 1 di yanüari 2023, di akuerdo ku e seguro Masterplan+ di InsureToStudy (wak anekso 1). Si e estudiante di BES wòrdu obligá di saka un seguro di salú básiko hulandes komo resultado di evaluashon di e Wet-langdurige-zorg (Wlz), tambe konosí komo e SVB-ingezetenschapsbeoordeling, InsureToStudy lo konvertí e estudiante di BES riba nan petishon for di e seguro di Masterplan+ pa e seguro básiko Hulandes di HollandZorg (wak anekso 2).

Tuma nota: ku kontrali na e otro pólisanan di seguro di salú básiko, e seguro básiko di HollandZorg no tin un riesgo propio di 385 euro, no tin un kontribushon personal pa remedi i un kobertura pa kuido dental di emergensia te ku 200 euro.

Kiko esaki ta nifiká pa bo?

Si bo ta obligá pa kambia e seguro di Masterplan+ pa un pólisa di seguro di salú básiko Hulandes, esaki ta dependé di e evaluashon di e Wet-langdurige-zorg (Wlz).

Pa e motibu aki, hasi petishon pa e evaluashon aki!

Bo mester hasi petishon pa e evaluashon aki na Sociale Verzekeringsbank (SVB). SVB e ora ei lo investigá kiko eksaktamente bo situashon di seguro ta di akuerdo Wlz.

Pa hasi esaki, tuma e siguiente pasonan:

- bai na e siguiente página, riba e wepsait di SVB: [www.svb.nl/en/the-wlz-scheme](http://www.svb.nl/en/the-wlz-scheme);
- klik riba e link na e opshon te na banda drechi: Hasi un petishon pa un evaluashon di bo situashon di seguro Wlz; ➤ despues klik riba e opshon: +Submitting an application for yourself;
- skohe e opshon: log in to My SVB i klik riba Login na e parti drechi ariba den e página, i;
- hinka bo number di DigD.

**Tene na kuenta ku por tarda vários siman** promé ku bo haña e resultado di e evaluashon di Wlz. P'esei ta importante pa bo hasi esaki na tempu!

Den e kaso ku bo haña un evaluashon positivo:

➤ e ora ei bo ta obligá pa sera un seguro médiko básiko Hulandes. Bo por ta ilegibel tambe pa e supsidio di kuido médiko;

➤ bo tin e libertat di skohe den e kaso aki, esaki ta nifiká ku bo mes por skohe ku kua kompania di seguro lo bo ke sera un pólisa di seguro. E kondishonnan di e pólisa di seguro di salú básiko Hulandes ku bo a sera, lo ta aplikabel pa bo i bo mes mester paga e seguro aki adelantá kada luna, pero bo por haña kompensashon pa un parti di esaki via e supsidio di kuido médiko;

➤ òf bo ta sera e seguro básiko di salú di HollandZorg, sin riesgo propio, ku InsureToStudy ta reglá pa bo i ZJCN ta paga esaki pa bo. Esaki ta tuma lugá riba bo propio petishon i pa esaki bo mester manda un e-mail ku e resultadonan di e evaluashon di e Wet-langdurige-zorg (Wlz) pa [aanmeldenBESstudenten@zorgverzekeringskantor.nl](mailto:aanmeldenBESstudenten@zorgverzekeringskantor.nl).

**Tuma nota:**

1. Si e evaluashon di Wlz ta positivo i bo no ta sera un seguro básiko Hulandes, e ora ei bo ta den violashon i Stichting Centraal Administratie Kantoor AWBZ (CAK) lo manda bo un karta tokante bo obligashon pa sera un pólisa di seguro. Bo mester tuma e medidanan nesesario den un plaso di tres luna òf bo ta haña un multa di € 402,24.

2. Kontrali na e seguro Masterplan+, e seguro di salú básiko di HollandZorg no ta kompensá ningun gastu di repatriashon, den otro palabra, e gastunan mara na regreso na bo isla di origen debí na malesa, leshon òf morto. Bo por sera un kobertura di BasicPlan di InsureToStudy, banda di e Seguro Básiko, komo seguro di dañonan, pa asina bo ta debidamente sigurá pa tur kos (wak anekso 3). Pa 15,90 euro pa luna bo por sera un seguro adishonal serka InsureToStudy. Pa optené mas informashon, tuma kontakto ku InsureToStudy na 0031 70 205 18 00 òf manda un e-mail na [info@insuretostudy.com](mailto:info@insuretostudy.com)

Nos ta spera di a yuda bo ku e informashon aki. Bo tin pregunta? Tuma kontakto via [info@zorgverzekeringskantor.nl](mailto:info@zorgverzekeringskantor.nl).

Atentamente i un saludo,

Zorg en Jeugd Caribisch Nederland (ZJCN)